

妙法蓮華經論優波提舍卷上

堂一

颯蒲未反

怨敵上的音寬下的反

怯弱

上音苦劫反下音若

悶悶

俗昌六反下正寤音悟

十三末

妙法蓮華經論優波提舍卷下

論本內廣略俱備

堂二

大乘論師婆藪槃豆菩薩造

元魏天竺三藏法師勒那摩提共僧朗等初譯

妙法蓮華經方便品之餘

如是已說妙法功德具已次說如來法師功德成就應知如經何以故舍利弗諸佛如來

自在說因成就如來成就四種功德故能度衆生何等爲四一者住成就如經舍利弗如來成就種種方便故種種方便者謂從兜率天中退沒乃至示現入涅槃故二者教化成就如經種種知見故種種知見者示現染淨諸因故三者功德畢竟成就如經種種念觀

故種種念觀者以說彼法成就因緣如法相應故四者說成就如經種種言辭故種種言辭者以四無礙智依何等何等名字章句隨何等何等衆生能受爲說故

復有義種種方便者示現外道邪法如是如是種種過失故示現諸佛正法如是如是種

種功德故如經舍利弗吾從成佛已來廣演言教無數方便引導衆生於諸著處令得解脫故復無數方便者方便令入諸善法故復方便者斷諸疑故復方便者令入增上勝智故復方便者依四攝法攝取衆生令得解脫故言著者彼處處著或著界或著諸地或著分或著乘故著界者著欲色無色界故著地者著戒取三昧初禪定地乃至非非想及滅盡定地故著分者著在家出家分故著在家分者著已同類作種種業邪見等故著出家者著聲聞乘菩薩乘故著聲聞乘者樂持小

乘戒求須陀洹斯陀舍阿那舍阿羅漢等故
著大乘者著利養供養恭敬等著分別觀種
種法相乃至佛地故

復種種知見者自身成就不可思議境界與
諸聲聞菩薩故如經舍利弗如來知見方便
到於彼岸故到彼岸者勝餘一切諸菩薩故

復種種念觀者如經舍利弗如來知見廣大
深遠無障無礙力無所畏不共法根力菩提
分禪定解脫三昧三摩跋提皆已具足故

又第一成就可化衆生依止善知識成就故
第二成就根熟衆生令得解脫故第三成就
力家得自在淨降伏故第四說成就者有七

種一者種種成就如經舍利弗諸佛如來深
入無際成就一切未曾有法故二者言語成
就得五種美妙音聲聞說法故如經如來能
種種分別巧說諸法言辭柔軟悅可衆心故
三者相成就如經止舍利弗不須復說故有
法器衆生心已滿足故四者堪成就一切可

化衆生皆知如來成就希有功德能說法故
如經舍利弗佛所成就第一希有難解之法
故五者無量種成就說不可盡如經舍利弗
唯佛與佛說法諸佛如來能知彼法究竟實
相故實相者謂如來藏法身之體不變義故
六者覺體成就如來所說一切諸法唯佛如

來自證得故如經舍利弗唯佛如來知一切
法故七者隨順衆生意爲說修行法成就彼
法何等如是等如經舍利弗唯佛如來能說
一切法故第一種種法門攝取衆生故第二
令不散亂住故第三令取故第四令得解脫
故第五令彼修行成就得對治法故第六能
令得修行進趣成就故第七令得修行不退
失故此七種法爲諸衆生自身所作成故
又與教化令成就者與二種法令彼成就何
等爲二一與證法二與說法一與證法令成
就者謂依證法而授與故二與說法令成就
者謂依說法說與故此二種法如向前說依

堂一

二

揚

堂一

三

揚

此二種法有何次第而得修行即彼前文句再說應知

又依證法復有五種一者何等法二者云何法三者何似法四者何相法五者何體法故何等法者謂聲聞法辟支佛法諸佛法故云何法者謂起種種諸事說故何似法者依三種門得清淨故何相法者謂三種義一相法故何體法者無二體故無二體者謂無量乘唯一佛乘無二乘故又復有義何等法者謂有爲法無爲法等云何法者謂因緣法非因緣法等何似法者謂常法無常法如是等何相法者謂生等三相法不生等三相法何體法者謂五陰體非五陰體又何似法者謂無常法有爲法因緣法又何相法者謂可見相等法又何體法者謂五陰能取可取以五陰是苦集體故又五陰者是道諦體故

復有異義依說法說法何等法者謂名句字身故云何法者謂依如來所說法故何似法者能教化可化衆生故何相法者依音聲取故以依音聲取彼法故何體法者謂假名體法相故

自此已下依三種義示現一者決定義二者疑義三者依何事疑義決定義者有聲聞方便證得深法作決定心於聲聞道中得方便涅槃證故如是二種證法示現有爲無爲法故如經爾時大衆中有諸聲聞漏盡阿羅漢乃至亦得此法到於涅槃故言疑義者諸聲聞辟支佛等不能知故是故生疑如經而今不知是義所趣故依何事疑義者聞如來說聲聞解脫與我解脫不異是故謂生疑生疑者生因中疑此事云何此事云何云何如來數數說甚深境界前說甚深後說甚深不同聲聞以如是等是故生疑如經爾時舍利弗知四衆心疑乃至而說偈言故

堂二

四

揚

自此已下依四種事說一者決定心二者因授記三者取授記四者與授記應知云何決定心已生驚怖者令斷驚怖為利益二種人故是故如來有決定心此驚怖有五種應知

一者損驚怖謂如聲聞取以為實誇無大乘而作是言如來說言阿羅漢果究竟涅槃我畢竟取如是涅槃是故羅漢不入涅槃故二者多事驚怖以大乘衆生聞菩薩道劫數長遠種種苦行生如是心佛道長遠我無量無邊劫中行菩薩行久受勤苦如是念故生驚怖心起取異乘心故

三者顛倒驚怖謂心分別有我我所身見諸不善法故

四者悔驚怖悔驚怖者謂大德舍利弗等起如是心言我不應證如是小乘之法如是悔已心即自止即此悔心名為念驚怖應知五者誑驚怖謂增上慢聲聞作如是心云何

如來誑於我等故

因授記者如經止止舍利弗不須復說若說是事一切世間諸天人等皆生驚怖故此因授記皆生驚怖者有三種義一者欲令彼諸大衆推覓甚深境界故二者欲令彼諸大衆生尊重心畢竟欲聞如來說故三者為欲令

堂二

五

月

增上慢聲聞離法座而去故第二請者示現過去無量諸佛教化衆生如經是會無數乃至聞佛所說則能敬信故第三請者示現現在佛教化衆生如經今此會中如我等比乃至長夜安隱多所饒益故

取授記者以舍利弗等欲得授記如經佛告舍利弗汝以三請豈得不說汝今諦聽如是等故

與授記者有六種應知一者未聞令聞二者說三者依何等義四者令住五者依法六者遮未聞令聞者如經舍利弗如是妙法諸佛如來時乃說之如優曇華如是等故

說者如經舍利弗我以無數方便種種因緣譬喻言詞演說諸法如是等故種種因緣者所謂三乘彼三乘者唯有名字章句言說非有實義故以彼實義不可說故

依何等義者如經舍利弗諸佛世尊唯以一大事因緣故出現於世如是等故彼一大事

者依四種義應知何等為四一者無上義唯除如來一切義智更無餘事如經欲開佛知見令衆生知得清淨故出現於世故佛知見者如來能證以如實知彼深義故二者同義以聲聞辟支佛佛法身平等故如經欲示衆生佛知見故出現於世故法身平等者佛

性法身更無差別故三者不知義以一切聲聞辟支佛不知彼真實處故言不知真實處者不知究竟唯一佛乘故如經欲令衆生悟佛知見故出現於世四者為令證不退轉地示現欲與無量智業故如經欲令衆生入佛知見故出現於世故又復示者為諸菩薩有

疑心者令知如實修行故又悟入者未發菩提心者令發菩提心故已發心者令入法故又復悟者令外道衆生覺悟故又復入者令得聲聞小果者入大菩提故令住者如經舍利弗但以一佛乘故為衆生說法故依法者如經舍利弗是過去諸佛以無量無數方

堂一

六

便種種譬喻因緣念觀方便說法是法皆為一佛乘故如是等故言譬喻者如依牛故得有乳酪生酥熟酥乃至醍醐此五味中醍醐為第一小乘不如其猶如乳大乘為最猶如醍醐故此譬喻明大乘無上諸聲聞等亦同大乘無上義故聲聞同者此中示現諸佛如來法身之性同諸凡夫聲聞辟支佛等法身平等無差別故此義皆是譬喻示現因緣之義如向前說言念觀者於小乘諦中人無我等於大乘諦中真如法界實際法界法性及人無我法無我等種種觀故言方便者於小乘中觀陰界入厭苦離苦得解脫故於大乘

中修諸波羅蜜以四攝法攝取自身他身利益對治法故遮者如經舍利弗十方世界中尚無二乘何況有三如是等故無二乘者無二乘所得涅槃唯佛如來證大菩提究竟滿足一切智慧名大涅槃非諸聲聞辟支佛等有涅槃法唯一佛乘故一佛乘者依四種義說應知如來依此六種授記是故前說何等法云何法何似法何相法何體法如是示現何等法者謂未曾聞故云何法者謂種種言語譬喻說故何似法者所謂唯為一大事故何相法者為隨眾生器說諸佛法故何體法者所謂唯一乘體故一乘體者所謂諸佛如

堂二

七

七

斷彼疑如經佛告舍利弗諸佛出於五濁惡世所謂劫濁等故云何知增上慢者如來不為增上慢人說法云何知彼是增上慢為斷彼疑故如經若有比丘實得阿羅漢者若不信是法無有是處等故云何堪說者從佛聞法而起謗心如來應是不堪說人云何如來不成不堪說法人為斷此疑如經除佛滅度後現前無佛如是等故云何如來不成妄語者以如來先說法異今說法異云何如來不成妄語為斷此疑故如經舍利弗汝等當一心信解受持佛語諸佛如來言無虛妄無有餘乘唯一佛乘故乃至童子戲聚沙為佛塔如是諸人等皆已成佛道者謂發菩提心行菩薩行者所作善根能證菩提非諸凡夫及決定聲聞未發菩提心者之所能得故如是乃至小低頭等皆亦如是

妙法蓮華經譬喻品第三

舍利弗說偈

金色三十二 十力諸解脫 同共一法中

而不得此事 八十種妙好 十八不共法

如是等功德 而我皆已失

釋曰此偈示現何義尊者舍利弗自呵責身
言我不見諸佛不住諸佛所及聞佛說法不
供養恭敬諸佛無利益眾生事於未得法退

是故尊者舍利弗作如是言呵責自身不見
者示現不見諸佛如來大人之相生恭敬供
養心故住佛所者示現教化眾生力故放金
色光明者示現見佛自身異身獲得無量功
德故聞說法示現者能作利益一切眾生故
示現力者示現眾生有疑依十力斷彼疑故

堂一

八

明

供養者示現能教化眾生力故十八不共法
者示現遠離諸障礙故恭敬者示現出生無
量福德依如來教得解脫故以人無我法無
我一切諸佛法悉皆平等故是故舍利弗自
呵責身言我未得如是法故於未得中退故
自此已下次為七種具足煩惱染性眾生說

七種譬喻對治七種增上慢心此義應知又
復次為三種染慢無煩惱人三昧解脫見等
染慢對治此故說三平等此義應知何者七
種具足煩惱染性人一者求勢力人二者求
聲聞解脫人三者求大乘人四者有定人五
者無定人六者集功德人七者不集功德人

七種增上慢心者云何七種譬喻對治一者
顛倒求諸功德增上慢心以世間中諸煩惱
染熾然增上而求天人勝妙境界有漏果報
對治此故為說火宅譬喻應知二者聲聞人
一向決定增上慢心自言我乘與如來乘無
差別故如是倒取對治此故說窮子譬喻應

知三者大乘人一向決定增上慢心起如是
意無別聲聞辟支佛乘如是顛倒取對治此
故為說雲雨譬喻應知四者實無而謂有增
上慢人以有世間漏三昧三摩跋提實無涅
槃而生涅槃想如是倒取對治此故為說化
城譬喻應知五者散亂增上慢心實無有定

堂二

九

明

過去雖有大乘善根而不覺知不覺知故不求大乘於狹劣心中生虛妄解以為第一乘如是倒取對治此故為說繫寶珠譬喻應知六者有實功德人增上慢心聞佛說大乘法而取非大乘如是倒取對治此故為說輪王解髻中明珠與之譬喻應知七者無實功德

增上慢人於第一乘不曾修集諸善根本聞說第一乘心中不取以為第一如是倒取對治此故為說醫師譬喻應知第一人者以世間種種善根三昧功德方便令喜戲然後令入大涅槃故第二人者以三為一令入大乘故第三人者令知種種乘諸佛如來平等說

法隨諸眾生善根種子而生芽故第四人者方便令入涅槃城故涅槃城者所謂諸禪三昧城過彼城已然後令入大般涅槃城故第五人者示其過去所有善根令憶念已然後教令入三昧故第六人者說大乘法以此法門同十地行滿諸佛如來密與授記故第七

人者根未淳熟為令熟故示現得涅槃量為是義故如來說此七種譬喻何者三種無煩惱人三種染慢所謂三種顛倒信故何等為三一者信種種乘異二者信世間涅槃異三者信彼此身異為對治此三種染慢故說三種平等應知何者名三種平等云何對治一

者乘平等與聲聞授菩提記唯有大乘無二乘故是乘平等無差別也二者世間涅槃平等以多寶如來入於涅槃世間涅槃彼此平等無差別故三者身平等多寶如來已入涅槃復示現身自身他身法身平等無差別故如是三種無煩惱人染慢之心現彼此身所

作差別以不知彼此佛性法身悉平等故即彼人我證此法故彼人不得此法對治故與諸聲聞授記應知問曰彼聲聞等為實成佛故與授記為不成佛與授記也若實成佛者菩薩何故於無量劫修集無量種種功德若不成佛者云何與之虛妄授記答曰彼聲聞

堂二

十

楊

授記者得決定心若諸聲聞成就法性故如來依三平等說一乘法故以如來法身與彼聲聞法身平等無異故與授記非即具足修行功德故是故菩薩功德具足諸聲聞人功德未具足言授記者有六處云現五者如來記一者菩薩記如來記者謂大德舍利弗摩訶迦葉等衆所知識故名号不同故與別記富樓那等五百人等千二百人等同一名故俱時與記學無學等俱同一号又復非是衆所知識故一時與記與提婆達多授記者示現如來無怨惡故與比丘尼及諸天女授佛記者示現女人在家出家修菩薩行者皆諸佛果故與授記菩薩授記者如下文不輕菩薩品中示現應知禮拜讚歎作如是言我不輕汝汝等皆當得作佛者示現諸衆生皆有佛性故言聲聞人得授記者聲聞有四種一者決定聲聞二者增上慢聲聞三者退菩提心聲聞四者應化聲聞二種聲聞如來與授

記謂應化聲聞退已還發菩提心者若決定者增上慢者二種聲聞根未熟故如來不與授記應化聲聞是大菩薩與授記菩薩與授記者方便令發菩提心故又依何義者故如來說三乘名爲一乘依同義故與諸聲聞大菩提記言同義者以如來

堂一 法身聲聞法身平等無差別故以諸聲聞辟支佛異乘不同故有差別不以彼二乘非大乘故如來說言不離我身是無上義一切聲聞辟支佛等二乘法中不說此義以其不能如實解故是故諸菩薩等行菩薩行非爲虛妄無上義者餘殘修多羅明無上義無上義者略有十種應知何者爲十一者示現種子無上故說兩譬喻汝等所行是菩薩道者謂發菩提心退已還發者前所修行善根不滅同後得果故二者示現行無上故說大通智勝如來本事等故三者示現增長力無上故說商主譬喻四者云現今解無上故說繫寶

珠譬喻五者示現清淨一切國土無上故示現多寶如來塔六者示現說無上故說髻中明珠譬喻七者示現教化衆生無上故地中涌出無量菩薩摩訶薩等故八者示現成大菩提無上者示現三種佛菩提一者應化佛菩提隨所應見而爲示現故如經皆謂如來

出釋氏宮去伽耶城不遠坐於道場得阿耨多羅三藐三菩提故二者示現報佛菩提十地行滿足得常涅槃證故如經善男子我實成佛已來無量無邊百千萬億那由他劫故三者示現法佛菩提謂如來藏性淨涅槃常恒清涼不變等義故如經如來如實知見三界之相乃至不如三界見於三界故三界相者謂衆生界即涅槃界不離衆生界有如來藏故無有生死若退若出者謂常恒清淨清涼不變義故亦無在卍及滅度者謂如來藏真如之體不即衆生界不離衆生界故非實非虛非如非異者謂離四種相有四種相者

是無常故不如三界見三界者諸佛如來能見能證真如法身凡夫不見故是故經言如來明見無錯謬故我本行菩薩道今猶未滿者以本願故衆生界未盡願非究竟故言未滿者非謂菩提不滿足故所成壽命復倍上數者此文示現如來常念善巧方便顯多數

堂一

十一

步

過上數量不可數知故我淨土不毀而衆見燒盡者報佛如來真實淨土第一義諦之所攝故九者示現涅槃無上故說醫師譬喻十者示現勝妙力士無上故餘殘修多羅說應知多寶如來塔顯示一切佛土清淨者示現諸佛實相境界中種種諸寶間錯莊嚴故示現有八一者塔二者量三者異四者住持五者示現無量佛六者離穢七者多寶八者同一塔坐塔者示現如來舍利住持故量者方便示現一切佛國土清淨莊嚴是出卍間清淨無漏善根所生非是卍間有漏善根之所生故異者示現多寶如來身一體示現攝取

一切佛法身故住持者示現諸佛如來法身自在身力故示現無量佛者示現彼此所作諸業無差別故遠離穢不淨者示現一切佛國土平等清淨故言多寶者示現一切諸佛國土同寶性故同一塔坐者示現化佛非化佛法佛報佛等皆為成重大事故自此已下示

現法力修行力應知法力者五種門示現一者證門二者信門三者供養門四者聞法門五者讀誦持說門四種門彌勒品中示現一法門常精進菩薩品中示現彌勒品中四種門者一者證門如經我說是如來壽命長遠時六百八十萬億那由他恒河沙等衆生得

堂二

十三

無生法忍故此言無生法忍者謂初地證智應知八生乃至一生得阿耨多羅三藐三菩提者謂證初地喜提故八生一生者謂諸凡夫決定能證初地歡喜地隨力隨分八生乃至一生證初地故此言阿耨多羅三藐三菩提者以離三界中分段生死隨分能見真如

佛性者名得菩提非謂究竟滿足如來方便涅槃故二信門者如經復有八世界微塵數衆生皆發阿耨多羅三藐三菩提心故三供養門者如經是諸菩薩摩訶薩得大法利時於虛空中雨曼陀羅華如是等故四聞法門者如隨喜品所說應知一淨故如經法門常精進菩薩品示現者謂讀誦解說書寫等得六根清淨故如經若善男子善女人受持法華經若讀誦若解說若書寫是人當得八百眼功德乃至千二百意功德故此得六根清淨者謂諸凡夫人以經力故得勝根用未入初地菩薩正位應知如經以父母所生清淨肉眼見於三千大千世界如是等又六根清淨者於一一根中悉能具足見色聞聲知香味覺觸法等諸根互用應知眼所見者聞香能知如經釋提桓因在勝殿上五欲娛樂乃至說法聞香知者此是智境以鼻根知故持力者有三種法門示現持力如法師品安

樂行品勸持品等廣說法力如經應知其心
決定知水必近者受持此經得佛性水成阿
耨多羅三藐三菩提故修行力無上者五門
示現一者說力二者行苦行力三者護眾生
諸難力四者功德勝力五者護法力說力者
有三種法門神力品中示現一者出廣長舌

相者令憶念故二者謂磬效聲者說偈令聞
故令聞聲已如實修行不放逸故三者彈指
令覺悟眾生令修行者得覺悟故行苦行力
者藥王菩薩始示現教化眾生故又行苦行
力者妙音菩薩品示現教化眾生故護眾生
故護眾生諸難力者觀世音菩薩品陀羅尼

堂二

物

品示現功德勝力者妙莊嚴王品示現二童
子依過去世功德彼童子有如是力故護法
力者普賢品及後品中示現又說言受持觀
世音菩薩名号及受持六十二億恒河沙諸
佛名号彼福德平等者有二種義一者信力
故二者畢竟知故信力者有二種一者求我

身如彼觀世音無異畢竟信故二者生恭敬
心如彼功德我亦如是畢竟得故畢竟知者
謂能決定知法界故言法界者名為法性彼
法性者名為入初地菩薩能證入一切諸佛
菩薩平等法身故平等身者謂真如法身初
地菩薩乃至證入是故受持六十二恒河沙

等諸佛名号有能受持觀世音名号所得功
德無差別

第一序品示現七種功德成就

第二方便品有五分示現破二明一餘品如
向處分易解

十四

妙法蓮華經論優波提舍卷下

堂三

醍醐上音題呵陞劣上古文狹娛愚音磬效上
頂反下苦愛反

十五末